

**PRONOSTICOU**



**NOSTRADAMUS.**



GUIR BOLTRET

MICHEL NOSTRADAMUS,

O LABOURAT VAR EFFEJOU AN ASTROU.

---

NOSTRADAMUS, pehini a zevine tout, a velas eur bu-guelic o tastum e liardet en eur voest. Courach, va bugue-lic, emezàn, eun devez da zont e vezò santet an necessite da angaji an oll da ober eveldout. En darnvia eus ar c'hæriou e vezò etablisset eun *Tenzor a Espernidiguez*, en pehini e vezò ellet deposi an nemorant demeus an arc'hant a zeus realamant ezom, hac a rayo boneur nombr bras a dud, dre an interest a fournisso.

Evit güir, e Montroulez memes e zeus eun *Tenzor a Espernidiguez*, etablisset en ty commun, en pelec'h ec'h aller deposi adalec 1 franc bete 300 franc bep sul.

An arc'hant deposet a ro eun interest a 4 dre 100.

Eun dra vad e vez eta d'ar vicherourien espern ar pez a zispigner fall, evit o deposi en tenzor-ze, hac abars eun nombr bloavezion en em gavot joaussamant estonet o recco eur som bras a arc'hant.

GUIR

**PRONOSTICOU**

AN DEN SAVANT MEURBET

**MICHEL**

**NOSTRADAMUS**

**EVIT NAO BLOAS,**

*En pere e vezø güelet ar bloavezion founnus pe  
disroues, temps an ear, predictionou hac eve-  
namanchou dreist ordinal, etc., etc., etc.*



Troet eus an Imprimet gallec en Valanç,  
en ty P. Massacr, ru an Ifern,  
Hac a gaver en ty LÉDAN, en Montroulez.

# EPITAFEN

## MICHEL NOSTRADAMUS, *Astrolojian ha Mathematician.*

---

MA e repos Relegou an den savant meurbet  
MICHEL NOSTRADAMUS, eus a behini ar  
blaen aour ha cazi divin a zo bet a bep amzer  
estimet dign da draci d'ar bed antier, herves  
pouvoar an Astro, an isquou da zont dreist  
ar rond eus ar bed materiel.

Guenel a eure er guær a Sant-Remi, er  
Provanc, d'ar yaou ar 4 eus a vis Qerzu 1503,  
da 3 heur eus ar mintin, eus a Jacques Nostra-  
damus, Noter, hac eus a Renaea Sant-Remi.

Mervel a eure e Solon-de-Craux, er Provanc,  
ar 5 a vis Even 1566, casi d'ar sav-eol, oajet  
a 55 ans 6 mis 1 devez 23 minut 10 second.

Ur mis qent mervel, e tiouc'hansas e varo  
dre ar c'homzou-mâ : *Hic prope mors est :*  
da lavaret eo : Awâ tost e mân va maro.

NOSTRADAMUS A LAVARE :

*Eva dour, mes rar güin-ardant,  
Nemet clasq mervel a rez c'hoant.*



*Predictionou general evit ar bloavez 1853.*


**A**R GOUÂN A VEZO GOAL YEN, DRE AR FRIM A RAYO. PADOUT A RAI PELL-AMZER. AR C'HREIZ A VEZO VARIANT. AR RE NE VEZO QET BET SOIGNUS DA ESPERN EUN DRAIC BENAC EVIT MIRET OUZ AR YENIEN, A C'HOEZO EN BEGOU O BIZIED.

AN NEVEZ-AMZER A VEZO FRESC ER GOMMANÇAMANT, AR C'HREIZ A VEZO DOUÇ, HAC AN AMZER AVANTAJUS A DEUYO GOUDE, A GARGO A ESPERANÇ AL LABOURERIEN, O VELET FROUEZIOU AN DOUAR OUV EN EM DISPACA CAER; AL LAPOUSSET DRE O C'HANIOUT MELODIUS A JOAÜSSAO AN OLL GALONOU.

AN HÂN, EN E GOMMAÇAMANT, A VEZO DOUETUS; MES AN EOL BENIGUET O TONT DA LIGUERNI DRE EUR GAERDER MEURBET, A DEUYO DA VEÜRI ERVAD OLL FROUEZIOU AN DOUAR. EUN NEBEUT CURUN A VEZO VAR AR SIN.

AN DISCAR-AMZER A VEZO AVANTAJUS MEURBET D'AL LABOURERIEN, DRE AN EOSTACH MAD O DEVEZO GRÊT, HAC EN EM ASSURINT ERVAD DEMEUS AN DANVEZ BRAS A DENNER DEMEUS A EUN DOUAR SOIGNET MAD.

*Güelet e vo tud sur hac honest, o sicour an ezommec, ha tud bet pinvidic o tont da veza paour, dre o dispignou fall.*



*Predictionou general evit ar bloavez 1854.*

**C**OMMANÇAMANT ar Gouân a vezo incerten , dre Car chenchidiguez eus an amzer; gouscoude ne zaleo qet da lacat en em zantout. Ar c'hreiz a vezo yen, hac ar grizill, ar scorn hac an erc'h a vezo damantus , dreist-oll d'ar beacherrien. Er c'hreiz e vezo deveziou sec'h ha yen.

An Nevez-Amzer a vezo fresc , dre an avalou bras , mes var ar fin e commando da zouçât , ha da zisqueuz deomp e yeomp da antren en eur sêzon gaer.

An Hân a vezo brao ; mes brumennou hac eur glao benac a viro avichou an eol da bara ; mes souden e teuyo d'en em dispaca , hac e royo eun domder vrás , avantajus meurbet da guement a zo crouet gant Douë ,

An Discar-Amzer a vezo clouar en e gommançamant. Beza e vezo deveziou caer , a rîi deump sônjal e vimp en Hân. Ar güin hac ar gist a vezo en abondanç , Evit qement-se nedleo qet an den qemer muioc'h eguet en devo ezom .

*Nep a had injustiç a eosto ar gassoni hac ar venjanç.*

*Demeus an oll prodigaliteou , ar brassa eo an didalvoudeguez.*

*Bezit espernus eus an amzer , rac beza eo ar mezer eus a behini e zeo grêt ar ruez.*



*Predictionou general evit ar bloavez 1855.*

**A**R GOUÂN A VEZO YEN, avelus ha glaoec. Scorn, frim hac erc'h a laqai en em zantout, Ar c'hreiz a vezô goal yen hac a bado.

An Nevez-Amzer a vezô er gommançamant goal fresq. Douçât a rai, hac e teuyo ar patates, nebeut ha nebeut, da goll ar c'hlénved pehini en deus noazet qement dezo.

An Hân a vezô favorabl dre an amzer gaer a rëno; gouscoude e vezô eun nebeut avel; mes madou an douar a deuyo da zispaca, had a rîi eun eost avantajus. Ar frouzeiou a vezô abundant.

An Discar-Amzer a vezô caer, sepet ma vezô eun nebeut curun ha glao, mes pere ne vint qet noazus. An douar a rento pep tra gant abondanç.

En eur rouantelez e vezô eur chenchamant vrás.

*Güelet e vezô tud yaouanc oc'h ober al lez hac o clasq gentoc'h ar fortun eguet ar furnez : di-vezotoc'h ec'h anarezint pehini a dalvez ar muia.*

*Predictionou general evit ar bloavez 1856.*

**A**R GOUÂN, en e gommançamant, a vezo suportabl; mes an humidite a rayo da veur a hini beza anrumet. Ar c'hreiz a vezo yen, rac erc'h ha scorn a rayo, ha ne deuzint qet ractal, abalamour d'an avelou : ar frjm a rayo en em zantout, mes arabat e vezo tostât re d'an tân pa zantot an ivindreo.

An Nevez-Amzer, en e gommançamant, a vezo eun nebeut fresq, mes nebeut ha nebeut e teuyo da glouarat. Avelou crén a rayo, pere a else noazout. Luc'heth ha curunou a vezo, mes nonpas nemeur.

Commançamant an Hân a vezo brao; mes souden e teuyo an eol da bara gant eur gaerdet burzudus, ar pez a rayo ar brassa vad da oll froneziou an douar. Ar güiniziou-du a else beza scotet.

An Discar-Amzer a vezo passabl en e gommançamant; mes goude e teuyo avelou ha glao yen. An habitud, abaoue an Hân, da zouguen dillad scân, a vezo caus da eur c'hlénved benac, ar pez a elfet tec'hel, ouz en em vouisca hervez ar sêzon.

*Carit al labour : ma n'oc'h eus qet a ezom d'en ober evit bera, labourit, rac al labour a ro ar yec'hed.*



*Predictionou general evit ar bloarez 1857.*

**A**R GOUÂN A VEZO GOALL YEN HA GLAOEC, AN AVEL  
FRIM A ZIGASSO DEOMP ERC'H HA SCORN, PERE  
NE DEUZINT QET BUAN. AR BLEIZI A DEUYO DA OBER  
POURMENADENNOU.

AN NEVEZ-AMZER NE VEZO QET RUST; GOUSCOUDE  
AN AVELOU A ZIZEC'HO CALZ AN DOUAROU. QEMENTSE  
NE BADO QET PELL-AMZER, HA MADOU AN DOUAR  
A ZIVOANO BRAO. AR PATATEZ A YËLO VAR GOELLAT,  
COULZ EVEL AR PIZ HAC AR SAO.

AN HÂN A VEZO EUN NEBEUT HUMID, MES EUR  
SEC' HOR VAD HAC EUN EOL TOM A VEZO MEURBET  
FAVORABL DA BEP TRA. GRACOU BRAS A VEZO DA RENTA  
DA ZOUE DEMEUS AN ABONDANÇ VRAS.

AN DISCAR-AMZER, EVITAN DA VEZA EUN NEBEUT  
GLAOEC, A VEZO AHONDANT EN OLL EZOMOU.

QELOYOU A VEZO CLÈVET, HAC A ESTONO CALZ A  
DUD, PERE A ZÒNJE GANTE E VIJE CUNTINUET AN  
AFFERAOU EVEL O DEVOA ASSURET.

*Mar prenit aliez ar pez n'och eus qet ezom,  
e voerzfol ar pez a zo necesser dëc'h.*



*Predictionou general evit ar bloavez 1858.*

**A**R Gouân a gommanço eun nebeud divezat  
hac a vezo yen a amzer da amzer. Scorn  
bras a vezo, hac an erc'h a güezo sounnus; an  
discorn a rayo cresqi ar rivierou, ha dre ze ne  
vezo qet mad chom re divezat da eva banna-  
c'hou er foariou hac er marc'hajou.

An Nevez-Amzer a vezo eun nebeut rust er  
gommançamant, rac santout a rai eus a lost ar  
Gouân; aben nebeut e teuyo amzer douç ha  
brao, hac e vezo güelet ar fleur er jardinou,  
hac ar gouez er c'hoajou o tont da gaerat ar  
brillanta sezon eus ar bloas. Rentomp graçou  
da Zoue eus a guementse.

An Hân a vezo humid eur pennadic, mes  
qerqent e teuyo an domder da veüri ervad ma-  
dou an douar, hac e vezo ret caout pourvision  
bircher, rac an edou a vezo abundant.

An Discar-Amzer a vezo caer er gomman-  
çamant; goude e teuyo avel hac eur yenien  
benac.

*Sònxit ervad er pez a rit, pa rit dle, rac ar  
c'horaiñ n'en deo qet hirbadus evit an hini a  
dle paea da Basq.*



❖ ❖ ❖ ❖ ❖ ❖ ❖ ❖ ❖ ❖ ❖ ❖ ❖

*Predictionou general evit ar bloavez 1859.*

**A**R GOUÂN A VEZO RUST; MES AR GOMMANÇAMANT  
A VEZO MODER. VARDRO AR C'HREIZ AVELOU RUST  
A RAYO SANTOUT AR YENIEN; AN ERC'H HAC AR SCORN  
A BADO EUR MAREAD AMZER.

AN NEVEZ-AMZER A VEZO EUN NEBEUT YEN.  
NEUZE E TEUYO DA ZOUÇÂT, HAC E VEZO GÜELET GANT  
PLIJADUR, FROUEZIOU AN DOUAR O TIVOANA CAER. AR  
PATATES A DEUYO DA VAD. AN HARICO, AR FAO HAC  
AR PIZ A VEZO ABONDANT, HAC E VEZO ELLET LAQAT  
DA ZEC'HI EVIT OBER SOUBEN VAD EPAD AR C'HORAÏZ  
GOUDE, COULZ EVEL D'AR GÜENER HA D'AR SADORN.

AN HÂN A VEZO CAER. GOUSCOUDE E VEZO ARNEU  
HA GLAO EUR VECH BENAC; MES AN DOMDER GAER A  
ZIGÜEZO GOUDE, A VEZO MEURBET FAVORABL DA OLL  
VADOU AN DOUAR. ABONDANÇ A VEZO EUS A BEP TRA.

AN DISCAR-AMZER A VEZO CAER; ABONDANÇ  
VRAS A VEZO, HAC E VEZO RET CLASQ TUD DA ZICOUR  
LABOURAT, ISTRE AR VIGNONETA GLASQ BEPRET EN EM  
ZICOUR AN EIL EGUILLE. D'AN AMPOENT-SE EO DREIST  
OLL, E CARFET CAOUT EUR BANNE MAD A GIST DA DERRI  
AR ZEC'HEZ, AR PEZ A ELFET CAOUT, MA CARFET BEZA  
SOIGNUS DA BLANTA GOUZEZ AVALOU.

*N'eo qet al louzaou fall eo a voug ar greun  
mad; ar seneantis eo. N'eo qet an teodou fall eo  
a laca an dizurz en eun tieguez; an dud sod  
ávoalc'h d'o zelaou a zo ar penn-caus.*



*Predictionou general evit ar bloavez 1860.*

**C**OMMANÇAMANT ar Gouân a vezò eun nebeut Cyen ; mes goude , ar grizill , an erc'h hac ar frim a laqayo da c'hoeza er bized. Ar bleizi , prived a voued , a vezò danjerus. Ar glaoeyer bras a disse occasioni calz a valeuriou.


An Nevez-Amzer en em zisclêrio caer , hac a vezò avantajus da vadou an douar. Ar c'hreiz a vezò avelus. Ar jardinou hac ar parqeyer a broduo calz.

An Hân a vezò caer bras ; gouscoude glao hac arneu a ello noazout eun nebeut. Ar fin a vezò mad hac an eost sounnus.

An Discar-Amzer a vezò passabl ; mes amzer goleoet a vezò avichou.

*Calz a dud a gueuzioù da veza manget meur a vloavez aroc , da nonpas beza partiet evit ar C'haliforni , en pelec'h o divije dastumet calz a arc'hant hac a aour , evel ma tastumer an teil en hor brô. Avis d'an dud feneant , pere a garfe e teufse ar madou d'o c'haout en o goele , ha na reont netra evit dastum eun dra benac evit amzer o c'hosni.*

*Queuz bras a vezò da dud jenerus , pere ne vezint anavezet nemet goude ma rezint maro , hep beza bet anaoudec demeus o vadoberou epad ma voant er bed.*



*Predictionou general evit ar bloavez 1861.*


**C**OMMANÇAMANT ar Gouân en em disqüezo dre  
Ceun amzer nebeut rust; mes dre ma avanço  
e vezò santet eur yenien a yêlo en eur gresqi :  
erc'h, glao, frim hac avel grî a laqayo meur a  
hini da gaouz queuz da nonpas beza espernet  
en amzer vad.

An Nevez-Amzer a vezò passabl; mes gous-  
coude e vezò santet yenien a amzer da amzer,  
hac a dostayo eun nebeut eus ar Gouân.

An Hân a vezò douetus er gommançamant,  
rac arneuyou, hac eun nebeut curunou a vezò;  
mes eun nebeut avancest, an amzer gaer en em  
dispaco : an eol a luguerno, hac e domder fa-  
vorabl, henilliet eus a c'hlaoyeer talvoudec, a  
laco an douarou da brodui o oll vadou gant  
abondanç.

An Discar-Amzer en em rêyo da zantout  
abret, hac estonet e vezot o velet produou an  
douarou o tont da recompansi poanniou al la-  
bourerien pere n'o devezo neglijet netra evit  
tempsi hac antreteni ervad o danvez : ar pez o  
rento en eur joa vrás.

*Eur gundù vad ha c'hoant labourat a rento  
calz a dud en o eaz; mes an debauch a drein ar  
baourenteñ hac a rent maleürus en amzer ar gosni.*



## AVERTISSAMANT

*Necesser bras da bep den evit ober abret pourvision e dieuez, observet gant tud ancien.*

---

Ober pourvision ed ha dillad e mis Güengolo.

Ober pourvision güin e mis Du.

Ober pourvision qeuneud hac amann e mis Mae.

Ober pourvision qic da salla e mis Qerzu.

Ober pourvision frouez e mis Eost.

Ober pourvision pesqet e mis Guenveur.

Ober pourvision lard ha soa e mis Here.

Prena neud e mis Meurs.

Prena qezec, eugenet, saout ha dénved e mis Ebrel.

Dreist qementse oll, e zeo ret gouzout espern an amzer vad, evit caout peadra en amzer ar muia ezomec : an espernidiguez a form eun tenzor, hac a ra vad atao.





## PREDICTIONOU EVIT PEB MIS.

1. Gant dillat tom ha bevanç mad  
Ec'h ellot beva deread.
2. Eur gundu fur a ro yec'het  
Hac a bella medecinet.
3. Er mis-mâ, glao hac avel foll  
A rai laqat eves d'an oll.
4. Nebeut a guig, boued fresq bepret  
A zalc'ho pep den en yec'het.
5. Etro pad ar mis brillant-mâ,  
Ne ra exces eus a nep tra.
6. Goualc'h da gorf er fin eus an de,  
Bez laouen ha ne zêbr qet re.
7. Qê en disheol d'en em repos,  
Hac e cousqi mad hed an nôs.
8. Dêbri nebeut frouez zo rezon.  
Da gonserv yec'het er sezon.
9. En em moderi e pep tra,  
A zo atao vit ar güella.
10. Na guemer qet re alies  
Hep ezom medecinères.
11. Na espern na traou yen na tom  
Vit da yec'het, pa po ezom.
12. Bevanç mad, güele soubl, tân mad  
A ra d'ar galon joaussat.



